

JESÚS ALCHATZEN DA ZERURAT



*Jesusen piztea eta emakume debotak.*¹ Eta larunbata iragan zenean, Maria Magdalenak, eta Maria Jakoberenak, eta Salomek baltsamuak erosi zituzten, Jesusen gantzutzeroa goateko. Eta asteko leen egunean, goizean goizik etorri ziren obira, iguzkia ateratu orduko. Eta zioten beren artean: Nork aldaratuko daroku obi sartzetik arria? Gaitza zen alabaina. Eta begiratzearekin, ikusi zuten arria aldaratua. Eta obian sartzean, ikusi zuten gizon gazte bat eskuineko aldean jarria, soineko churitan, eta lastu ziren. Gizon gazteak erraten diote: Ez izi; Jesus Nazaretekoa, gurutzefikatua izan dena, bilatzen duzue; piztua da, ez da emen, una non ezarri zuten. Bainan zoazte, errozute dizi-puluei, eta Piarresi, aitzintzen zaituztela Galileara; an duzue ikusiren, berak erran izan darozuen bezala.² Ekiek ordean ilkitzearekin, obitik ies egin zuten, alabainan izialdura eta ikara lotu zitzaizkoten; eta niori etzioten deusere erran, ezen beldurrak zaduzkan.

Jesusen agertzea: 1.^{ik} Maria Magdalenari.³ Bada, Jesus goizean pizturik, asteko leen egunean, leenbizikorik agertu zitzaioen Maria Magdalenari, zeinaren baitarik irazi izan baitzituen zazpi debru. Ura goan zen, eta berria eman zioten Jesusekin izatu zirenei, zeinak nigar eta deitoretan baitzauden. Eta aditu zutenean bizi zela, eta arek ikusi zuela, etzuten sinetsi.

2.^{ik} *Bi dizipuluei.* Geroztik bada, bertze itchura batean agertu zitzaioten ekietarik bieri, bidean zirelarik, eta bazterralde batera zioa-

(1) Erospen oriek egin zitazken larunbat arratsean, iguzkia etzan ondoan.

(2) Emakume sainduak Jesusen manua bete zuten apostoluen aldera, bainan deusik niori ez zuten erran bidean. *Eutymius*.

(3) Naiz Ebanjelioak ez deraukun ortaz deusik erraten, Jesus, piztu ondoan, agertu zen leenbizikorik bere Ama Sainduari. *S. Ambrosio*.

zelarik. Eta goanik, bertzeei ekarri zioten berria; baina etziztuzten ekiek ere sinetsi.

3.^{ik} *Apostoluei*.¹ Azkenik agertu zitzaizoten amekiei, maainean zirelarik; eta gaizkiak erran ziozkaten beren sinesgaiztasunaz eta biotz gogortasunaz; zeren piztua zela ikusi zutenei, etziztuzten sinesterik eman.

Apostoluen predikatzerat igortzea. Eta erran zioten: zoazte mundu guzia gaindi, eta gizon guziei erantzun edo predika diozozuete ebanjelioa. Sinetsiko duena, eta batayatua izanen dena, salbatua izanen da; aldiz, sinetsiko ez duena, galdua. Bada aukiek dire sendagaiak sinetsiko dutenei jarraikiren direnak: ene izenean iraziko dituzte debruak; mintzaya berriz mintzaturen dire; erabiliren dituzte sugeak, eta zerbait iltzeko edari edan balezate ere, ez liozokete kalterik egin; erien gainean ezarriko dituzte eskuak, eta osasunera bihurtzen dire.

Jesusen zerurat alchatzea.² Eta Jesus Jauna, ekiei mintzatu ondoan, zerurat zen alchatu, eta Jainkoaren eskuinean jarria dago. Ekiei berriz, goan ziren eta toki guzietan predikatu zuten, Jaunak lagunduz, eta gogortuz itza ondolikako sendagailez.

P. HARISTOY,
Ziburuko Erretora



(1) Bertsu unen leen itzak adi ditazke edo Jesusen Apostoluei agertzeaz pizteko arratsaldean, edo ondoko igandean, edo Salbatore egunean.

(2) Kristo igan da zerurat bere indarrez, eta ez choilki bere Jainkozko indarrez, baina bere arima lorifikatuaren ariaz, bere gorputza eginez partedun goiti goateko indar ortaz. S. Tomas.